

ЎЗБЕКИСТОН РЕСПУБЛИКАСИ
МАДАНИЯТ ВАЗИРИНИНГ БҮЙРУҒИ
ЎЗБЕКИСТОН РЕСПУБЛИКАСИ
ВАЗИРЛАР МАҲҚАМАСИНИНГ 2018-
ЙИЛ 19-ИЮНДАГИ 458-СОН ҚАРОРИ
БИЛАН ТАСДИҚЛАНГАН
ЎЗБЕКИСТОН РЕСПУБЛИКАСИ
ДАВЛАТ БУДЖЕТИДАН
МОЛИЯЛАШТИРИЛАДИГАН ДАВЛАТ
МАДАНИЯТ МУАССАСАЛАРИ
ХОДИМЛАРИ МЕҲНАТИГА ҲАҚ
ТҮЛАШ БҮЙИЧА БАЗАВИЙ ЛАВОЗИМ
МАОШЛАРИ МИҚДОРЛАРИГА
ҚЎШИМЧА ВА ЎЗГАРТИРИШ
КИРИТИШ ТҮҒРИСИДА

[Ўзбекистон Республикаси Адлия вазирлиги томонидан 2021-йил 22-октабрда рўйхатдан ўтказилди, рўйхат рақами 3329]

Ўзбекистон Республикаси Президентининг 2020-йил 26-майдаги ПҚ-4730-сон “Ўзбекистон Республикаси Маданият вазирлиги фаолиятини такомиллаштириш чора-тадбирлари тўғрисида”ги [қарори](#) ва Ўзбекистон Республикаси Вазирлар Маҳкамасининг 2019-йил 26-декабрдаги 1040-сон “Ўзбекистон Республикаси Ҳукуматининг айrim қарорларига Ўзбекистон Республикаси Вазирлар

Маҳкамаси ҳузуридаги Қатағон қурбонлари хотираси давлат музейи ходимларининг меҳнатини рағбатлантиришга доир ўзгартиришлар киритиш тўғрисида"ги [қарорига](#) асосан буюраман:

1. Ўзбекистон Республикаси Вазирлар Маҳкамасининг 2018-йил 19-июндаги 458-сон қарори билан тасдиқланган Ўзбекистон Республикаси Давлат бюджетидан молиялаштириладиган давлат маданият муассасалари ходимлари меҳнатига ҳақ тўлаш бўйича базавий лавозим маошлари [миқдорларига](#) иловагамувофиқ қўшимча ва ўзгартириш киритилсин.
2. Ўзбекистон Республикаси Давлат бюджетидан молиялаштириладиган давлат маданият муассасалари 2021-йил 1-январдан давлат музейлари, музей-қўриқхоналари, уй-музейлари ва бошқа музей туридаги ташкилотлардаги маъмурӣ-бошқарув, ижодий ходимлари ва мутахассисларининг меҳнатига ҳақ тўлаш бўйича базавий лавозим маошлари миқдорлари ўзгарганлигини ҳисобга олиб иш ҳақларини қайта ҳисоблаб тўланишини таъминласин.
3. Мазкур буйруқ Ўзбекистон Республикаси Бандлик ва меҳнат муносабатлари вазирлиги ҳамда Молия вазирлиги билан келишилган.
4. Мазкур буйруқ расмий эълон қилинган кундан эътиборан кучга киради.

Вазир О. НАЗАРБЕКОВ

Тошкент ш.,

2021-йил 29-сентабр,

404-сон

Келишилди:

Молия вазири Т. ИШМЕТОВ

2021-йил 20-сентабр

Бандлик ва меҳнат муносабатлари вазири Н. ХУСАНОВ

2021-йил 26-август

Ўзбекистон Республикаси маданият вазирининг 2021-йил 29-сентабрдаги 404-сон буйруғига
ИЛОВА

Ўзбекистон Республикаси Вазирлар Маҳкамасининг 2018-йил 19-июндаги 458-сон қарори билан тасдиқланган Ўзбекистон Республикаси Давлат бюджетидан молиялаштириладиган давлат маданият муассасалари ходимлари меҳнатига ҳақ тўлаш бўйича базавий лавозим маошлари

миқдорларига киритилаётган қўшимча ва ўзгартириш

1. 6-илова қўйидаги мазмундаги изоҳ билан тўлдирилсин:

“Изоҳ: маъмурий-бошқарув ходимларининг базавий лавозим маошлари миқдорлари:

фан доктори илмий даражасига ёки фан доктори (Достор оғ Ссиенсе) ёки хорижий давлатларнинг уларга тенглаштирилган бошқа илмий даражаларга эга бўлганларга — 2,5 кoeffитсиентга оширилган ҳолда белгиланади;

фан номзоди илмий даражасига ёки фалсафа доктори (Пх.Д) ёки хорижий давлатларнинг уларга тенглаштирилган бошқа илмий даражаларга эга бўлганларга — 2 кoeffитсиентга оширилган ҳолда белгиланади.”.

2. 7-илованинг изоҳ қисми қўйидаги таҳрирда баён этилсин:

“Изоҳ:

Ижодий ходимлар ва мутахассисларнинг базавий лавозим маошлари миқдорлари:

Ўзбекистон Республикаси Вазирлар Маҳкамаси хузуридаги Қатағон қурбонлари хотираси давлат музейи ва худудлардаги олий таълим муассасалари тузилмасидаги “Қатағон қурбонлари хотираси” музейлари, Ўзбекистон давлат санъат музейи, “Самарқанд” давлат музей-қўриқхонаси, “Бухоро” давлат музей-қўриқхонаси, “Иchan қалъа” давлат музей-қўриқхонаси, И. Савитский номидаги Қорақалпоғистон Республикаси давлат санъат музейи, Ўзбекистон давлат табиат музейи, Ўзбекистон амалий санъат ва ҳунармандчилик тарихи давлат музейи, Фанлар академияси музейларнинг базавий лавозим маошлари миқдорлари 1,17 кoeffитсиентга;

вилоятлардаги тарих ва маданият давлат музейларида базавий лавозим маошлари миқдорлари — 1,08 кoeffитсиентга оширилган ҳолда белгиланади;

фан доктори илмий даражасига ёки фан доктори (Достор оғ Ссиенсе) ёки хорижий давлатларнинг унга тенглаштирилган бошқа илмий даражаларга эга бўлганларга — 2,5 кoeffитсиентга оширилган ҳолда белгиланади;

фан номзоди илмий даражасига ёки фалсафа доктори (Пх.Д) ёки хорижий давлатларнинг унга тенглаштирилган бошқа илмий даражаларга эга бўлганларга — 2 кoeffитсиентга оширилган ҳолда белгиланади.”.